

Platt partu:

Rundbreef Nr. 7 - 2015

Leve plattdüütsche Maten un Frünnen,

düt is en Sommer, in den sik veel begifft. Godes un Leges kümmt uns tomööt. De Frünnen vun't Natuur-Flack sünd dat as eerst wies worrn: Keen Weder-Rüchschau för den Juni mehr. Uns Maat Uwe Mohr hett uns för jümmers verlaten. Lang al weer he süük. Rund twee Johr hett he elkeen Maand en Rüchschau op dat Weder vun'n Vörmaand maakt -- mit nipp utleggte Statistik un wunnerschöne egen Fotos. Henwiesen much ik ok nochmaal op sien riek bebillertes Immenjohr. Uns Maat Uwe warrt uns dull fehlen.

Na Frieda ehr Doodblieven verleden Maand hett uns Willi Höfig beslaten, dat dat ok keen virtuelle Spazeergäng mit ehr mehr geven warrt. De hundertste Frieda-Bidrag blifft also de letzt. Dorför gifft dat ja nu de Muuskist un villicht in Tokumst noch anneres. -- Ut sien Muuskist hett Willi uns düssen Maand Franz Grabe utgraven, de to sien Tied en beropen Versesmitt weer.

Willi Höfig is düt Johr ok de Priesdräger vun den hooch ansehn Freudenthal-Pries, tosamen mit mi sülven. So geiht düsse Pries düt Johr an twee Plattpartu-Maten, dat is doch en Grund to Freid un Stolt.

Op de Websiet weern de Maten vun Plattdüütsch Künst un de Ünnerflacken vun De Welt un Gott de flietigsten. As jümmers is dat swaar, besünner Saken ruttoheven. Dat niege Kalennerblatt mit Biller vun Elke Weißleder is wedder schön, un Antje Heßler wiest en Rundgang dör en besünneren Skulpturenpark. Op dat Erinnern-Flack hebbt sich interessante tiedgeschichtliche Beschrievungen anfunnen -- Rudi Witzke vertellt vun't Stratenleven in en Domänendörp in de 1930er Johr, Marita Pollak vun Lehrjohr glieks na den Krieg un Anke Nissen vun de schöne Kark in Landkirchen. In't Erinnern-Notizbook vertellt Gisela Reink vun de brutalen Verhältnisse op't Land vör 130 Johr. Un vun Günter Weber kümmt endlich rut, woso he en Tant mit Hörner hett.

Un sünst? -- Silke Frakstein beed en Wischdook to'n Verschenken an, Anke Nissen vertellt vun't Boomsöken un dat Natuurnotizbook gifft en Blick in Antje Heßlers Goorn, 'neem ok Hansi un Hans wahnt. Uns eenzigaardig Multitalent Ludgerd Lüske hett nich bloots en verschollen Dichtersche opdaan, översett un bebillert, sünnern verfolgt ok -- as offizielle Weltruum-Beopdraagte vun Plattpartu -- den Floog un de Arbeit vun de Sonde "Neikimmen". (Wo tapsig de ingelsche Naam "New Horizons" is, wiest düsse korte un elegante plattdüütsche Originaalbeteken!)

Op uns Flack för Riemels to'n Bruken is en Bortsdagsriemel vun mi (uursprünglich maakt to Ehren vun uns Matin Hanne Hinz) un en histoorsch Vereens-Leed ut de 1920er Johr vun Friedrich Schnoor rutkamen. Düsse Riemels sünd all dorto dacht, dat Se de sülven för Ehr egen private Zwecke bruukt un ggf. afwannelt.

Leve Maten un Frünnen, beten liggt mi dat op't Hart, wenn ik seh, wo doch uns Maten öller warrt un welk ok op de Grote Reis gaht. Wi wüllt de plattdüütsch Spraak stärken, uns Websied noch lang wiedermaken un mit aktuelle Themen bestücken! Ahn Maten geiht dat nich. Wenn Se mitdoon wüllt, sünd Se inlaadt -- hartens inlaadt, nadrücklich inlaadt. Schrievt Se "Saken-Texte" op Platt? Truut Se sik dat to? Denso mailt Se dat doch an mi orr an Rudi Witzke! Schrievt Se över Politik, över kulturelle Events, över soziale orr twischenmenschliche Probleme, över Computer, över Themen ut de Natuur orr ut de Tiedgeschichte? Dat allens is uns willkamen. Un natüürlich Geschichten un Spele för Kinner! Bloots "Literatur", rein fiktionale Texten ahn konkreten Betoog, de hebbt hier keen Steed. Utnahmen, wenn egen Biller dorbi sünd un sik de Text dorop betreckt. -- Se köönt in Ehr egen Platt schrieven, as Se de Snavel wussen is. Se mööt ok nich jümmer wieder wat schicken, enkelte Bidrääg interesseert uns ok. Ik wöör mi frein, wenn wi niege Maten finnen kunnen.

Nu de Linklist. Wenn Se uns Rundbreef direkt vun Plattpartu kriegt, bruukt Se eenfach bloots op klicken, dat Se henkaamt. Wenn Se den Breef as PDF över Plattnet kriegt, funscheneert de Links avers nich mehr.

Plattdüütsch Kunst:

Ut de Muuskist: Couch Potato ut Lüdingworth. Vun Willi Höfig (19.7.)
Skulpturenpark Seekamp. Vun Antje Heßler (15.7.)
Geschichten ut Lübeck: Vun Senator Plitt. Vun Karl-H. Nissen (15.7.)
In'n Buschk allein. Gedichtöversetten mit Biller. Vun Ludgerd Lüske (12.7.)
Kalennerblatt: Sommer. Biller vun Elke T. Weißleder, Verse vun Marlou Lessing (5.7.)
Notizen ut'n Christmaand. Fotos un Verse vun Marlou (5.7.)

De Welt un Gott:

Andacht ut Grönau: Den Weg pareern. Vun Henning Eggers (27.7.)
Up uns Straat. Erinnern vun Rudi Witzke (26.7.)
Gollen Hochtied. Vun Günter Weber (19.7.)
Hunnert Maal Frieda. De letzte Frieda-Bidrag. Vun Willi Höfig (15.7.)
De Döhr: Hein. Vun Fidi Ehlbeck (15.7.)
Schottsche Koor -- orr: Lehrjohr sünd keen Herrenjohr. Vun Marita Pollak (12.5.)
De Farv Lila. Vun Silke Frakstein (12.7.)
Vun Purrnstöcker, höltern Block un annerswat. St. Petri in Landkirchen. Vun Anke Nissen, mit Spraakopnahm (5.7.)
Frieda: Heimat. Vun Willi Höfig (5.7.)
In't Erinnern-Notizbook:
Merrn in Mäkelborg. Vun Gisela Reink (19.7.)

Natuur un Wetenschap:

Boomsöken. Vun Anke Nissen (27.7.)
"Neikimmen" knipset den lüttken Planeten Pluto. Vun Ludgerd Lüske (22.7.)
In't aktuelle Natuurnotizbook:
Hans Huckebein, en Kolkraav. Vun Antje Heßler (26.7.)
Sommerblomen -- Familie Malve. Vun Antje Heßler (24.7.)
Hansi is flügge! Vun Antje Heßler (19.7.)

Wat in de Welt vörgeiht:

Fief niege Indrääg in Marlous plattdüütsch Notizbook.

Platt to Hand:

To'n Bortsdag. Vun Marlou Lessing (19.7.)

Leed för en Vereen. Vun Friedrich Schnoor (12.7.)

Niege Spraakopnahmen:

Vun Purrnstöcker, höltern Block un annerswat. St. Petri in Landkirchen. Vun Anke Nissen

En schönen Augustmaand wünscht

Marlou Lessing un dat lütte Plattpartu-Team